

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-197/26
Vareš, 29.06. 2026. godine

Z A P I S N I K
sa 16. sjednice Općinskog vijeća Vareš,
održane 01. 06. 2026. godine

Predsjedavajući OV Igor Šimić pozdravio je sve prisutne.

Prisutni vijećnici: Andrej Malbašić, Amela Mešić, Asim Balta, Asmir Čizmo, Dario Dodik, Denis Kovačević, Dino Ahmedović, Dževad Mahmutović, Edin Ibrišimović, Igor Hinger, Igor Šimić, Nazif Hajrić, Nermin Hrvat, Nikola Šimić, Semir Memić, Srđan Franjić, Šaban Ibrišimović, Zdenko Franjić i Zdravko Barkić

Odsutni: Nema.

Predsjedavajući OV konstatira da Vijeće može raditi jer ima kvorum za rad sjednice.

Predsjedavajući OV otvorio je 16. sjednicu s početkom u 13.00 sati u velikoj sali Općine Vareš.

Pored vijećnika sjednici prisustvuju: Malik Rizvanović, općinski načelnik; Mersad Đido, sekretar OV; Ermin Musa, pomoćnik načelnika; Ibrahim Spahić, pomoćnik načelnika; Mervana Hajrić, pomoćnik načelnika; Belma Karamustafić, zamjenik općinskog pravobranioca; Stela Terzić, šef Odsjeka za finansije i trezor; Velida Džafo, sanitarni inspektor; Malik Likić, ispred Službe za opću upravu, društvene djelatnosti i BiZ; Mirha Hadžo, v.d. direktorica JP „Vareš-stan“ d.o.o. Vareš; Ahmed Memić, direktor JU „Dom zdravlja“ Vareš i predstavnici medija.

Mersad Đido, sekretar OV izvijestio je prisutne da je na 15. sjednici OV održanoj 28.04. 2026. godine, Vijeće donijelo četiri (4) zaključka, jedan (1) zaključak je u toku realizacije i tri (3) zaključka su realizovana. Postavljeno je sedam (7) vijećničkih pitanja, na sva pitanja dat je odgovor.

Malik Rizvanović općinski načelnik pod aktuelnim pitanjima upoznao je Vijeće da su u proteklih mjesec dana vođene aktivnosti na infrastrukturnim projektima i čišćenju grada. Prošle godine je potpisano 7 lotova infrastrukturnih i kapitalnih projekata i veliki dio je završen. Danas su započeti radovi na izgradnji lokalnog puta prema Striježevu (2x400 m) i izgradnji nogometnog igrališta na Budoželju. Radilo se na čišćenju i uređenju grada, aktivnosti će biti nastavljene. Skrenuo je pažnju radi javnosti da on kao općinski načelnik nije ukinuo prevoz za Zenicu nego je istekao ugovor i isti nije imao zakonske elemente da se produži, ali se radi na iznalaženju rješenja u skladu sa zakonom.

(Izjašnjavanje vijećnika o dobivenom odgovoru)

Dario Dodik

Traži da se pitanje koje je postavio na 15. sjednici OV uputi Direkciji za ceste ZDK. Zbog čega nisu i kada će biti realizovani projekti na regionalnom putu R-444a? (projekat iz 2025. godine sanacija puta Vareš-Pogar i projekat iz 2024. godine nastavak asfaltiranja puta od Ponora do Kopjara, iznos projekata cca 500.000 KM).

adresa: Zvijezda 34, 71330Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

(Vijećnička pitanja i Inicijative)

P i t a n j a

Igor Hinger

1. Kakav je imovinsko-pravno status zemljišta na Semizovoj Ponikvi i ako se ne zna status, kada će se znati? *(nakon eksproprijacije zemljišta, Općina Vareš je jedan dio zemljišta ustupila rudniku za njihove potrebe, a jedan dio je ostao. Pitanje se odnosi na dio zemljišta koji je ostao).*
2. Traži da se hitno riješi problem na regionalnom putu R-444 koji se odnosi na obrušavanje stijena unutar tunela i sa vanjske strane tunela, jer je to realna prijetnja sudionicima u prometu i prolaznicima. Također je potrebno riješiti problem rasvjete u istom tunelu (neispravne sijalice i oštećen stub). Pitanje upućeno Općinskom načelniku, Službi za prostorno uređenje, PS Vareš i Direkciji za ceste ZDK.
Pitanje za PS Vareš: Koliko je do sada PS Vareš evidentirala prijava nastale štete na automobilima zbog naprijed navedenog problema?

Šaban Ibrišimović

3. Traži da nadležna Služba uputi dopis Direkciji za ceste ZDK i Kantonalnoj inspekciji (Odjeljenje za ceste) da u što kraćem roku izađu na teren (regionalni put R-444a), utvrde činjenično stanje i krenu sa rješavanjem problema vezano za ljetno održavanje jer je put u jako lošem stanju.

Dario Dodik

4. U ime stanovnika ulica Matijevići i Benići postavio je pitanje: Da li je u planu i da li će se izvršiti asfaltiranje ulica Matijevići i Benići, jer je bilo planirano da se asfaltiranje uradi u maju mjesecu 2025. godine? Elektroprivreda je izvršila zamjenu stubova i ostavila stare stubove na ulicama, potrebno je iste ukloniti.

Nikol Šimić

5. Kada će se pristupiti izradi Odluke o prekomjernom korištenju lokalnih cesta? Pitanje postavlja više puta.

Andrej Malbašić

6. Da li je došlo do napretka za odvoz smeća u poslijepodnevnim satima (subota poslije pijace)?

Igor Šimić

7. Da li je išta rađeno po odluci koju je vijećnik Dario Dodik pokrenuo prošle godine vezano za parking prostore u gradu? Pitanje upućeno Službi za prostorno uređenje.
8. Da li postoji mogućnost da JKP d.o.o. Vareš riješi problem javne česme „Toplik“ jer u ljetnim danima česma propušta vodu koja stvara neprijatan miris?

I n i c i j a t i v e

Dario Dodik

1. Inicijativa da Općinsko vijeće Vareš odobri pomoć Odredu izviđača „Zvijezda“ Vareš za kupovinu zemljišta za izgradnju Doma izviđača u iznosu od 5.000,00 KM. (Inicijativa podnesena pisanim putem).

Nermin Hrvat (Klub vijećnika SDA)

2. Inicijativa za izmjenu i dopunu Odluke o davanju u zakup stanova Općine Vareš, broj: 01-58/13 od 28.02.2013. godine. (da se u članu 8. Odluke doda novi stav kojim će se propisati „za stambene objekte tipa baraka zakupnina se utvrđuje u jedinstvenom iznosu od 2,00 KM/m² mjesečno, bez obzira na visinu prihoda zakupca.“ Ili alternativno da se doda: „Barake se izdvajaju iz kategorije stanova i predstavljaju posebnu kategoriju objekata za koje se zakupnina utvrđuje u iznosu od 2,00 KM/m² mjesečno.“ (Inicijativa podnesena usmenim putem).

Općinski načelnik izjavio je da prihvata podnesene Inicijative.

Predsjedavajući OV stavio je na izjašnjavanje podnesenu **Inicijativu vijećnika Dodik Daria i nakon izjašnjavanja vijećnika konstatuje da je sa 19 glasova „ZA“ Vijeće usvojilo podnesenu Inicijativu.**

Predsjedavajući OV stavio je na izjašnjavanje podnesenu **Inicijativu vijećnika Hrvat Nermina ispred Kluba vijećnika SDA i nakon izjašnjavanja vijećnika konstatuje da je sa 19 glasova „ZA“ Vijeće usvojilo podnesenu Inicijativu.**

Predsjedavajući OV stavio je na raspravu Zapisnik sa 15. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 15. sjednice OV i nakon izjašnjavanja vijećnika konstatuje da je **sa 19 glasova „ZA“ usvojen Zapisnik sa 15. sjednice OV.**

Predsjedavajući OV stavio je na raspravu prijedlog dnevnog reda 16. sjednice OV koji je usaglašen na Kolegiju Općinskog vijeća.

Predsjedavajući OV uz pojašnjenje predložio je izmjenu redoslijeda tački dnevnog reda: tačka 8. da bude tačka 3. i tačka 12. da bude tačka 4.

Nije više bilo učesnika u raspravi i predsjedavajući OV stavio je na izjašnjavanje prijedlog za izmjenu redoslijeda tački dnevnog reda i nakon izjašnjavanja konstatuje da je **prijedlog sa 19 glasova „ZA“ usvojen.**

Predsjedavajući OV stavio je na izjašnjavanje prijedlog dnevnog reda **16. sjednice OV** sa prihvaćenom izmjenom redoslijeda dnevnih tački i nakon izjašnjavanja vijećnika konstatuje da je **sa 19 glasova „ZA“ usvojen sljedeći**

D n e v n i r e d

1. Informacija o poduzetim aktivnostima u vezi povećane koncentracije olova u krvi stanovništva općine Vareš.
Izvestilac: Velida Džafo
2. Prijedlog izmjena i dopuna Budžeta/Proračuna Općine Vareš za 2026. godinu.
Izvestilac: Općinski načelnik
3. Prijedlog Rješenja o imenovanju zamjenika općinskog pravobranioca u Općinskom pravobranilaštvu Općine Vareš.
Izvestilac: Općinski načelnik
4. Izvještaj o radu JU „Dom zdravlja“ Vareš za 2025. godinu.
Izvestilac: Direktor JU
5. Prijedlog Odluke o raspodjeli sredstava za neprofitne organizacije – grant za učešće u finansiranju udruženja proisteklih iz rata.
Izvestilac: Malik Likić
6. Prijedlog Odluke o izmjenama i dopunama Odluke o općinskim priznanjima i postupku njihove dodjele.
Izvestilac: Mervana Hajrić

7. Prijedlog Odluke o nastavku rada deponije na lokalitetu „Kota“.
Izvestilac: Ermin Musa
8. Prijedlog Odluke o načinu i uslovima raspolaganja nekretninama u vlasništvu Općine Vareš.
Izvestilac: Ermin Musa
9. Prijedlog Odluke o raspodjeli sredstava iz granta za neprofitne organizacije.
Izvestilac: Malik Likić
10. Prijedlog Rješenja o razrješenju predsjednika i članova Skupštine JKP d.o.o. Vareš.
Izvestilac: Općinski načelnik
11. Prijedlog Rješenja o izboru i imenovanju predsjednika i članova Skupštine JKP d.o.o. Vareš.
Izvestilac: Općinski načelnik
12. Izveštaj o rješavanju upravnih stvari u upravnom postupku svih općinskih službi za upravu u 2025. godini.
Izvestilac: Mervana Hajrić
13. Izveštaj o radu i poslovanju JP „Vareš-šan“ d.o.o. Vareš za 2025. godinu.
Izvestilac: Direktor JP
14. Izveštaj o radu Savjeta mjesnih zajednica za 2025. godinu: Borovica, Brgule, Dabravine, Daštansko, Duboštica, Javornik, Kadarići, Mir, Očevija, Pržići, Stupni Do, Strica-Zarude i Vareš.
Izvestilac: Mervana Hajrić
15. Izveštaj Komisije za procjenu prometne vrijednosti nekretnina za 2025. godinu.
Izvestilac: Adaleta Pezo
16. Informacija o realizovanim projektima deminiranja kao i preostaloj sumnjivoj površini na području općine Vareš za 2025. godinu.
Izvestilac: Ibrahim Spahić
17. Informacija o stanju opremljenosti Profesionalne vatrogasne jedinice Općine Vareš.
Izvestilac: Ibrahim Spahić
18. Informacija o zimskom održavanju lokalnih i regionalnih puteva i gradskih ulica.
Izvestilac: Ermin Musa
19. Tekuća pitanja.

Ad.1.

(Informacija o poduzetim aktivnostima u vezi povećane koncentracije olova u krvi stanovništva općine Vareš)

Velida Džafo sanitarni inspektor u svom obraćanju upoznala je prisutne da su u Informaciji predstavljene aktivnosti koje su realizovane u proteklih mjesec dana. Općina Vareš uputila je Zahtjev za hitno djelovanje povodom Izveštaja o rezultatima Akcionog plana zdravstvene zaštite općine Vareš. Zahtjev i Izveštaj su upućeni svim nadležnim institucijama u Federaciji i Kantonu (na 16 adresa) i do sada je Općina dobila odgovor od Instituta za zdravlje i sigurnost hrane Zenica, Kantonalne inspekcije zaštite okoliša i Ministarstva poljoprivrede ZDK.

Izvijestila je Vijeće da se svi odgovori i dopisi nalaze u Stručnoj službi OV i dostupni su vijećnicima na uvid. Upoznala je prisutne da će tokom naredne sedmice biti održan sastanak Radne grupe na kome će biti definisan daljnji monitoring gdje će biti ponovljene sve analize (voda, zrak, zemljište) u što više mjesnih zajednica.

Otvorena je rasprava u kojoj su učestvovali vijećnici: Dino Ahmedović (uz pojašnjenje izjavio je nezadovoljstvo odnosom viših nivoa vlasti i institucija prema našoj općini kad je u pitanju problematika povećane koncentracije olova, skrenuo je pažnju na zabrinutost građana jer još uvijek nadležni nemaju konkretan odgovor), Dario Dodik (uz pojašnjenje predložio je da se uputi pismo Vladi FBiH gdje će se zahtijevati hitan sastanak sa interresornom grupom, da se ponovo uputi pitanje Zavodu za transfuziologiju Zenica da li su testirani uposlenici zeničke željezare na teške metale, traži informaciju da li se zna lokacija gdje će biti postavljen displej na kome će biti prikazani rezultati stanja zraka), Asmir Čizmo (iznio je svoje mišljenje u vezi zaključka Akcione grupe u kome su definisali određene obaveze koje se odnose na DPMetals), Nikola Šimić (skrenuo je pažnju da pored problema koji se odnose na zdravlje ljudi postoji problem i devastacije infrastrukture i šuma, potrebno je uraditi retestiranje, sugerisao je da bi ispred OV trebalo poslati jedan zaključak Vladi FBiH i ZDK da se pozabave problemom povećane koncentracije olova jer navedeni problem nadilazi naše sposobnosti i mogućnosti), Zdravko Barkić (mišljenja je da se trebaju poduzeti radikalnije mjere osim stalnog slanja urgencija i dopisa nadležnim u Federaciji i Kantonu i predložio je da se pored traženja održavanja sastanka sa interresornom grupom što je predložio vijećnik Dario Dodik, izvijeste da će se u slučaju njihove ne intervencije poduzeti određene zakonske mjere a to je građanski neposluh), Malik Rizvanović općinski načelnik (podržava diskusije vijećnika da je Općina Vareš u skladu sa svojim nadležnostima uradila sve u cilju rješavanja problema koji se odnosi na povećanu koncentraciju olova i da federalni i kantonalni nivoi trebaju riješiti navedeni problem, evidentno je da problem u našoj općini postoji i treba se naći način kako ga riješiti i ustanoviti kakav je trenutno u odnosu na početno stanje, u vezi s tim predložio je da Vijeće donese zaključak kojim bi se tražilo od Vlade FBiH da provede nultno stanje prisustva olova u krvi na čitavoj teritoriji Federacije odnosno da se izvrši testiranje određenog procenta ljudi u svakom gradu), Zdravko Barkić (replika), Dario Dodik (predložio je da Vijeće donese Zaključke: 1. da se Zavodu za transfuziologiju Zenica uputi dodatni dopis sa pitanjem da li su testirani uposlenici zeničke željezara i rudnika u našem kantonu koji su uvijek jedni od najvećih davaoca krvi i da li njihova krv ide bez testiranja trudnicama i djeci, ako nije zašto to nije urađeno, 2. Da Vijeće traži od interesorne grupe, odnosno od Federalne vlade koja je tu grupu formirala, da održe sastanak u Varešu sa vijećnicima, predstavnicima Doma zdravlja, mjesnih zajednica, ekoloških udruženja i kompanije DPMetals), općinski načelnik Malik Rizvanović (replika), i sanitarni inspektor Velida Džafo (dala je odgovore na postavljena pitanja vijećnika u raspravi).

Zaključena je rasprava i predsjedavajući OV konstatuje da je **Vijeće primilo k znanju**

Informaciju o poduzetim aktivnostima u vezi povećane koncentracije olova u krvi stanovništva općine Vareš.

Predsjedavajući OV dao je pauzu u trajanju 5 minuta kako bi predstavnici Klubova usaglasili prijedlog Zaključaka po ovoj tački dnevnog reda.
Nastavljeno je sa radom sjednice.

Predsjedavajući OV stavio je na izjašnjavanje sljedeće

Zaključke:

1. Traži se od Vlade FBiH da u što kraćem roku, organizuje sastanak Multidisciplinarnog ekspertskog tima koji je formirala zbog situacije u Varešu (povećano prisustvo olova), s Kolegijem Općinskog vijeća Vareš, predstavnicima mjesnih zajednica Vareš, Pržići, Daštansko, Mir, Borovica, Vareš Majdan i Pogar, Akcionom grupom ispred Općine Vareš, JU „Dom zdravlja“ Vareš i kompanijom DPMetals BH d.o.o. Vareš.

Traži se Vlade FBiH da putem nadležnih institucija, u što kraćem roku, provede testiranje stanovništva u glavnim administrativnim centrima kantona u FBiH, te da se provede testiranje djece u Varešu i omogući građanima Vareša besplatno testiranje.

Nakon izjašnjavanja vijećnika predsjedavajući OV konstatuje da je sa **18 glasova „ZA“** (odsutan vijećnik Zdravko Barkić) **usvojen predloženi Zaključak.**

- 2. Traži se od Transfuzijskog centra Zenica da Općinskom vijeću Vareš u što kraćem roku dostavi informaciju da li su testirani uposlenici Željezare Zenica, Cementare Kakanj i drugih rudnika u kantonu na prisustvo teških metala u krvi s obzirom da se među njima nalaze davaoci krvi.**

Nakon izjašnjavanja vijećnika predsjedavajući OV konstatuje da je sa **18 glasova „ZA“** (odsutan vijećnik Zdravko Barkić) **usvojen predloženi Zaključak.**

Ad.2.

(Prijedlog izmjena i dopuna Budžeta/Proračuna Općine Vareš za 2026. godinu)

Komisija za privredu, finansije i budžet na 8. sjednici održanoj 25.05. 2026. godine jednoglasno je donijela sjedeći Zaključak:

- Komisija prihvata Prijedlog izmjena i dopuna Budžeta/Proračuna Općine Vareš za 2026. godinu i upućuje ga Vijeću na razmatranje.

Izvjestilac Stela Terzić dala je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Zdravko Barkić (*postavio je pitanje iz kojih izvora se nabavlja kamion za Službu civilne zaštite?*), Igor Hinger (*postavio je pitanje da li Općina Vareš ima dugovanja prema Poreskoj upravi i ako ima da li ima neki predviđeni plan izmirenja dugovanja?*) i Stela Terzić koja je odgovorila na postavljena pitanja, kamion se jednim dijelom nabavlja iz namjenskih sredstava u iznosu od 80.000 KM a ostali iznos iz sredstava od naknade za protiv-požarnu zaštitu. Općina ima određena dugovanja prema Poreskoj upravi i plan po kojem će u što skorije vrijeme dugovanja biti izmirena.

Zaključena je rasprava i predsjedavajući OV stavio je na izjašnjavanje Prijedlog izmjena i dopuna Budžeta/Proračuna Općine Vareš za 2026. godinu.

Nakon izjašnjavanja vijećnika predsjedavajući OV konstatuje da su sa **19 glasova „ZA“ usvojene**

Izmjene i dopune Budžeta/Proračuna Općine Vareš za 2026. godinu.

Ad.3.

(Prijedlog Rješenja o imenovanju zamjenika općinskog pravobranioca u Općinskom pravobranilaštvu Općine Vareš)

Komisija za izbor i imenovanja na 8. sjednici održanoj 25.05. 2026. godine jednoglasno je donijela sjedeći Zaključak:

- Komisija prihvata Prijedlog Rješenja o imenovanju zamjenika općinskog pravobranioca u Općinskom pravobranilaštvu Općine Vareš i istu upućuje Vijeće na razmatranje i usvajanje.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave i predsjedavajući OV stavio je na izjašnjavanje Prijedlog Rješenja o imenovanju zamjenika općinskog pravobranioca u Općinskom pravobranilaštvu Općine Vareš.

Nakon izjašnjavanja vijećnika predsjedavajući OV konstatuje da je sa **18 glasova „ZA“** (odsutan vijećnik Šaban Ibrišimović) **usvojeno**

**Rješenje o imenovanju zamjenika općinskog
pravobranioca u Općinskom pravobranilaštvu Općine Vareš.**

Predsjedavajući OV pozvao je Belmu Karamustavić, imenovanu za zamjenika općinskog pravobranioca u Općinskom pravobranilaštvu Općine Vareš da položi Svečanu zakletvu.

Nakon davanja Svečane zakletve i potpisivanje iste, Belma Karamustafić obratila se Vijeću i zahvalila na ukazanom povjerenju.

Ad.4.

(Izveštaj o radu JU „Dom zdravlja“ Vareš za 2025. godinu)

Direktor JU „Dom Zdravlja“ Vareš Ahmed Memić u svom obraćanju izvijestio je Vijeće o poslovanju ustanove u proteklom periodu.

Otvorena je rasprava u kojoj su učestvovali vijećnici: Semir Memić (*sugerisao je na potrebu uspostave/rada terenskih ambulanti i ispred Kluba vijećnika NiP izjavio da će Klub podržati ovu tačku dnevnog reda*), Nermin Hrvat (*skrenuo je pažnju na smanjenje broja osiguranih lica, veliku razliku između broja rođenih i umrlih, ispred Kluba vijećnika SDA izjavio je da će Klub podržati ovu tačku dnevnog reda*), Dario Dodik (*postavio je pitanje kakve su mogućnosti da se JU „Dom zdravlja“ Vareš nabave potrebni uređaji za analizu krvi na olovo i teške metale i kadar, koliko bi to koštalo i šta treba da tražimo od Vlade kako naši sugrađani koji su u potrebi ne bi odlazili u druge zdravstvene ustanove i izlagali se dodatnom trošku?*), Andrej Malbašić (*skrenuo je pažnju da je broj rođenih u 2025. godini za 30% manji nego u 2024. godini, izjavio je da će Klub vijećnika HDS podržati ovu tačku dnevnog reda*), Nikola Šimić (*zamolio je direktora da Vijeće izvijesti o problematici prisustva olova u krvi i iznese svoje mišljenje i kao direktor i zaposlenik zdravstvene ustanove*), Igor Šimić (*skrenuo je pažnju na potrebu angažovanja za rad specijalista u ustanovi*) i Asmir Čizmo (*uz pojašnjenje postavio je pitanje da li je kod nas zabilježen povećan broj djece sa „spektrom“, ako jeste, koji je to procenat u odnosu na ukupan broj djece u generaciji. Također, kakav je odnos po ovom pitanju naše općine sa drugim općinama u Zeničko-dobojskom kantonu?*).

Direktor Ahmed Memić svom obraćanju dao je odgovore na postavljena pitanja vijećnika u raspravi. U vezi stanja terenskih ambulanti i njihove nefunkcionalnosti JU „Dom zdravlja“ Vareš ima Patronažnu službu koja pokriva tu vrstu zdravstvenih usluga, mišljenja je da se u nekom narednom periodu i Općina kao osnivač treba uključiti u rješavanje osposobljavanja terenskih ambulanti za rad. Informisao je Vijeće da od 2019. godine oko 900 osiguranika ima manje i veliki problem na našoj općini je taj što imamo veliki broj starije populacije. Prema federalnom i kantonalnom ministarstvu upućeni su projekti za nabavku dijagnostičkih aparata, sanitetskih vozila i slično, ali još ništa nije riješeno. U vezi dešavanja organizacije testiranja krvi na teške metale od Zavoda za medicinu rada Zenica i Sarajevo Dom zdravlja je dobio odgovor da njihovi aparati nisu ispravni. Upoznao je Vijeće sa problemom nedostatka specijalista (toksikolog, radiolog i sl.) i izjavio da je kontaktirao određeni broj radiologa za angažovanje na radu u ustanovi ali niko od njih nije prihvatio poziv. U više navrata kroz radnu grupu koja je provodila Akcioni plan, traženo je angažovanje toksikologa u našoj ustanovi. Iznio je svoje mišljenje vezano za detekciju povećanih vrijednosti olova u krvi i upoznao je Vijeće o aktivnostima koje je JU „Dom zdravlja“ Vareš provela u skladu sa svojim nadležnostima. U vezi pitanja koje se odnosi na povećan broj djece sa „spektrom“ izjavio je da trenutno nema taj podatak ali da se može uputiti pitanje pisanim putem i nadležni iz Doma zdravlja će dostaviti informaciju.

Zaključena je rasprava i predsjedavajući OV stavio je na izjašnjavanje Izveštaj o radu JU „Dom zdravlja“ Vareš za 2025. godinu.

Nakon izjašnjavanja vijećnika predsjedavajući OV konstatuje da je sa **19 glasova „ZA“** usvojen

Izveštaj o radu JU „Dom zdravlja“ Vareš za 2025. godinu.

Ad.5.

**(Prijedlog Odluke o raspodjeli sredstava za neprofitne organizacije
– grant za učešće u finansiranju udruženja proisteklih iz rata)**

Komisija za privredu, finansije i budžet na 8. sjednici održanoj 25.05. 2026. godine jednoglasno je donijela sljedeći Zaključak:

- Komisija prihvata Prijedlog Odluke o raspodjeli sredstava za neprofitne organizacije – grant za učešće u finansiranju udruženja proisteklih iz rata i upućuje ga Vijeću na razmatranje.

Komisija za statutarna pitanja i propise na 14. sjednici održanoj 25.05. 2026. godine jednoglasno je donijela sljedeći Zaključak:

- Komisija prihvata Prijedlog Odluke o raspodjeli sredstava za neprofitne organizacije – grant za učešće u finansiranju udruženja proisteklih iz rata i upućuje ga Vijeću na razmatranje.

Izvjestilac Malik Likić dao je dodatno pojašnjenje za ovu tačku dnevnog reda.

Nije bilo rasprave i predsjedavajući OV stavio je na izjašnjavanje Prijedlog Odluke o raspodjeli sredstava za neprofitne organizacije – grant za učešće u finansiranju udruženja proisteklih iz rata.

Nakon izjašnjavanja vijećnika predsjedavajući OV konstatuje da je sa **18 glasova „ZA“** (odsutan vijećnik Nikola Šimić) **usvojena**

***Odluka o raspodjeli sredstava za neprofitne organizacije
– grant za učešće u finansiranju udruženja proisteklih iz rata.***

Ad.6.

**(Prijedlog Odluke o izmjenama i dopunama
Odluke o općinskim priznanjima i postupku njihove dodjele)**

Komisija za statutarna pitanja i propise na 14. sjednici održanoj 25.05. 2026. godine jednoglasno je donijela sljedeći Zaključak:

- Da se u preambuli Prijedloga Odluke o izmjenama i dopunama Odluke o općinskim priznanjima i postupku njihove dodjele, u drugom redu riječi „član 14.“ mijenjaju se riječima „člana 22. tačka 14.“

U članu 1. Prijedloga Odluke tekst u drugom redu mijenja se i glasi „u članu 3. stav 1. iza alineje 3. Povelja o proglašenju počasnim građaninom/gradžankom općine Vareš, dodaje se nova alineja koja glasi: „Plaketa sportista godine Općine Vareš“, a navedene alineje u članu 1. se brišu.“

Član 2. Prijedloga Odluke mijenja se i glasi: „Iza člana 6. dodaje se novi član 6a. koji glasi: Priznanje „Plaketa sportista godine općine Vareš može se dodijeliti fizičkom licu koje je u protekloj kalendarskoj godini ostvarilo izuzetne sportske rezultate na lokalnim, kantonalnim, federalnim, državnim ili međunarodnim takmičenjima, predstavljajući na dostojan način općinu Vareš. Priznanje se dodjeljuje jednom godišnje, povodom Dana općine Vareš. Isti sportista može dobiti ovo priznanje više puta. Uz priznanje se dodjeljuje i novčana nagrada čiju visinu utvrđuje Komisija za statutarna pitanja i propise.“

Član 3. Prijedloga Odluke mijenja se i glasi: „U članu 11. stav 1. između riječi „Plaketa s grbom Općine Vareš i Plakete Općine Vareš za životno djelo „ briše se slovo „i“ i stavlja interpunkcijski znak „,“ a iza riječi „životno djelo“ dodaju se riječi „ i Plakete sportiste godine Općine Vareš“. U istom članu i stavu u tački a) iza alineje „ugled i visoke moralne vrijednosti“ dodaje se nova alineja koja glasi:

za sportiste ostvareni vrhunski sportski rezultati, doprinos razvoju sporta i promociju općine Vareš kroz sport.“

Član 5. Prijedloga Odluke se briše.

Član 6. Prijedloga Odluke postaje član 4.

Prijedlog Odluke se uz stavove Komisije upućuje se Vijeću na razmatranje i uz napomenu da Vijeće Prijedlog Odluke donosi dvotrećinskom većinom ukupnog broja vijećnika (član 23. Statuta općine Vareš).

Izjavitelj Mervana Hajrić dala je dodatno pojašnjenje za ovu tačku reda, upoznala Vijeće o Zaključku Komisije i ispred predlagača izjavila da prihvata predložene amandmane Komisije.

Nije bilo rasprave i predsjedavajući OV stavio je na izjašnjavanje Prijedlog Odluke o izmjenama i dopunama Odluke o općinskim priznanjima i postupku njihove dodjele sa Zaključkom Komisije.

Nakon izjašnjavanja vijećnika predsjedavajući OV konstatuje da je **sa 18 glasova "ZA"** (odsutan vijećnik Nikola Šimić) **usvojena**

***Odluka o izmjenama i dopunama
Odluke o općinskim priznanjima i postupku njihove dodjele.***

Ad.7.

(Prijedlog Odluke o nastavku rada deponije na lokalitetu „Kota“)

Komisija za statutarna pitanja i propise na 14. sjednici održanoj 25.05. 2026. godine jednoglasno je donijela sljedeći Zaključak:

- Da se član 1. Prijedloga Odluke o nastavku rada deponije „Kota“ mijenja i glasi: „Donosi se Odluka o opredijeljenosti Općine Vareš za nastavak rada deponije na lokalitetu „Kota“ i prilagođavanje uvjetima propisanim Pravilnikom o uvjetima za određivanje načina i uvjeta odlaganja otpada na deponije, uvjetima rada za deponije i načinu i uvjetima zatvaranja deponija (Sl. novine FBiH“, broj:51/25) i minimumu uvjeta za deponije iz Priloga IV istog Pravilnika.“
- Prijedlog Odluke se dostavlja Vijeću na razmatranje.

Izjavitelj nije imao dodatno pojašnjenje za ovu tačku dnevnog reda i izjavio je da predlagač prihvata predloženi amandman Komisije.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o nastavku rada deponije na lokalitetu „Kota“.

Nakon izjašnjavanja vijećnika, predsjedavajući OV konstatuje da je **sa 19 glasova "ZA"** **usvojena**

Odluka o nastavku rada deponije na lokalitetu „Kota“.

Ad. 8.

**(Prijedlog Odluke o načinu i uslovima
raspolaganja nekretninama u vlasništvu Općine Vareš)**

Komisija za statutarna pitanja i propise na 14. sjednici održanoj 25.05. 2026. godine jednoglasno je donijela sljedeći Zaključak:

- Komisija prihvata Prijedlog Odluke o načinu i uslovima raspolaganja nekretninama u vlasništvu Općine Vareš te se isti upućuje Vijeću na razmatranje.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o načinu i uslovima raspolaganja nekretninama u vlasništvu Općine Vareš.

Nakon izjašnjavanja vijećnika predsjedavajući OV konstatuje da je **sa 19 glasova „ZA“ usvojena**

***Odluka o načinu i uslovima raspolaganja
nekretninama u vlasništvu Općine Vareš.***

Ad. 9.

**(Prijedlog Odluke o raspodjeli
sredstava iz granta za neprofitne organizacije)**

Komisija za statutarne pitanja i propise na 14. sjednici održanoj 25.05. 2026. godine jednoglasno je donijela sljedeći Zaključak:

- Komisija prihvata Prijedlog Odluke o raspodjeli sredstava iz granta za neprofitne organizacije te se isti upućuje Vijeću na razmatranje.

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnik Zdravko Barkić koji je sugerisao da se od nevladinih organizacija traži izvještaj o utrošenim sredstvima kako bi se vidjelo da li su projekti realizovani i izjavitelj Malik Likić koji je dao odgovor vijećniku da prilikom raspisivanja javnog poziva za dodjelu sredstava jedan od uslova da bi udruženja mogla aplicirati na javni poziv je da su sredstva koja su dodijeljena u prethodnoj godini opravdana, ako nisu automatski to udruženje ne može biti ni zastupljeno prilikom dodjele sredstava.

Zaključena je rasprava i predsjedavajući OV stavio je na izjašnjavanje Prijedlog Odluke o raspodjeli sredstava iz granta za neprofitne organizacije.

Nakon izjašnjavanja vijećnika predsjedavajući OV konstatuje da je **sa 18 glasova „ZA“** (odsutan vijećnik Edin Ibrišimović) **usvojena**

***Odluka o raspodjeli sredstava iz
granta za neprofitne organizacije.***

Ad. 10.

**(Prijedlog Rješenja o razrješenju predsjednika
i članova Skupštine JKP d.o.o. Vareš)**

Komisija za izbor i imenovanja na 8. sjednici održanoj 25.05. 2026. godine jednoglasno je donijela sljedeći Zaključak:

- Komisija prihvata Prijedlog Rješenja o razrješenju predsjednika i članova Skupštine JKP d.o.o. Vareš i isti upućuje Vijeću na razmatranje i usvajanje.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o razrješenju predsjednika i članova Skupštine JKP d.o.o. Vareš.

Nakon izjašnjavanja vijećnika predsjedavajući OV konstatuje da je **sa 18 glasova „ZA“** (odsutan vijećnik Edin Ibrišimović) **usvojeno**

***Rješenje o razrješenju predsjednika
i članova Skupštine JKP d.o.o. Vareš.***

Ad. 11.
**(Prijedlog Rješenja o imenovanju predsjednika
i članova Skupštine JKP d.o.o. Vareš)**

Komisija za izbor i imenovanja na 8. sjednici održanoj 25.05. 2026. godine jednoglasno je donijela sljedeći Zaključak:

- Komisija prihvata Prijedlog Rješenja o imenovanju predsjednika i članova Skupštine JKP d.o.o. Vareš i isti upućuje Vijeću na razmatranje i usvajanje.

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o razrješenju predsjednika i članova Skupštine JKP d.o.o. Vareš.

Nakon izjašnjavanja vijećnika predsjedavajući OV konstatuje da je **sa 18 glasova „ZA“** (odsutan vijećnik Edin Ibrišimović) **usvojeno**

***Rješenje o imenovanju predsjednika
i članova Skupštine JKP d.o.o. Vareš.***

Predsjedavajući OV dao je pauzu u trajanju 20 minuta.
Nastavljeno je sa radom sjednice.

Ad. 12.
**(Izveštaj o rješavanju upravnih stvari u upravnom
postupku svih općinskih službi za upravu u 2025. godini)**

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izveštaj o rješavanju upravnih stvari u upravnom postupku svih općinskih službi za upravu u 2025. godini.

Nakon izjašnjavanja vijećnika predsjedavajući OV konstatuje da je **sa 18 glasova „ZA“** (odsutan vijećnik Zdravko Barkić) **usvojen**

***Izveštaj o rješavanju upravnih stvari u upravnom
postupku svih općinskih službi za upravu u 2025. godini.***

Ad. 13.
**(Izveštaj o radu i poslovanju
JP „Vareš-stan“ d.o.o. Vareš za 2025. godinu)**

Mirha Hadžo v.d. direktora JP „Vareš-stan“ d.o.o. Vareš u svom obraćanju upoznala je prisutne i javnost da je za v.d. direktora preduzeća imenovana 03.06. 2026. godine i da nije učestvovala u izradi Izveštaja za 2025. godinu radu, tako da ne može detaljno referisati isti Izveštaj. Na osnovu Zaključka OV od 02.04. 2026. godine formirana je Stručna radna grupa sa zadatkom da izvrši analizu stanja preduzeća i na osnovu analize predloži mjere za unapređenje poslovanja preduzeća. Radna grupa izvršila je analizu poslovanja i predložila je četiri mjere: 1. mjera je smanjenje broja zaposlenih i izrada nove sistematizacije radnih mjesta (Nadzorni odbor usvojio je novu sistematizaciju kojom je broj zaposlenih u administraciji smanjen je sa 5 na 2 zaposlenika, 3 zaposlenika su dobila otkaz i 2 zaposlenika su ostvarila pravo na odlazak u penziju), 2. mjera je povećanje naknade za održavanje zajedničkih dijelova i uređenje zgrada (čeka se odgovor resornog ministarstva), 3. mjera je usklađivanje finansija hitnih i nužnih popravki (u toku realizacije) i 4. mjera je planiranje budžetskih sredstava od Općine za finansiranje neophodnih popravki (u toku realizacije). Upoznala je prisutne da će smanjenjem broja radnih mjesta uštede na godišnjem nivou iznositi oko 120.000 KM i ta sredstva će biti preusmjerena na poboljšanje usluga građanima i izmirenje prema dobavljačima. Plaće nisu isplaćene za drugi dio februara, mart, april i maj, kao i naknade za topli obrok i prevoz. Pozvala je Općinsko vijeće da donese odluku kojom će Općina Vareš, kao osnivač

preduzeća, finansijski pomoći preduzeću u svrhu izmirenja obaveza prema radnicima koji su dobili otkaz kako ne bi došlo do tužbi.

Predsjedavajući OV izvijestio je prisutne da su za izmirenje plaća i naknada za topli obrok za radnike koji su proglašeni tehnološkim viškom u preduzeću potrebna sredstva u iznosu cca 35.000 KM. U Budžetu Općine Vareš planirana su sredstva u iznosu od 20.000 KM za javna preduzeća, općinski načelnik je voljan pomoći preduzeću s tim da Vijeće donese zaključak kojim odobrava općinskom načelniku da JP „Vareš-stan“ d.o.o. Vareš uplati sredstva u iznosu od 35.000 KM u svrhu izmirenja duga prema radnicima.

Otvorena je rasprava u kojoj su učestvovali vijećnici: Igor Hinger (*uz pojašnjenje izjavio je da će Klub vijećnika HDZ podržati ovu tačku dnevnog reda, traži od v.d. direktora da usmeno upozna Vijeće o planovima za naredni period koji će poboljšati usluge prema etažnim vlasnicima*), Dario Dodik (*izjavio je da neće podržati ovu tačku dnevnog reda ali podržava odluku da Općina Vareš da finansijsku pomoć preduzeću*), Asmir Čizmo (*uz pojašnjenje sugerisao je da OV u skladu sa svojim nadležnostima da mogućnost Načelniku da možda u nekim svojim planovima više uključuje i angažuje Vareš-stan gdje je to moguće, izjavio je da podržava odluku da Općina Vareš da finansijsku pomoć preduzeću*), Semir Memić (*izjavio je da Klub vijećnika NiP neće podržati ovu tačku dnevnog reda ali će podržati odluku da Općina Vareš da finansijsku pomoć preduzeću*), Nikola Šimić (*iznio je svoje mišljenje o uštedama preduzeća vezano za smanjenje broja radnika*), Nermin Hrvat (*izjavio je da Klub vijećnika SDA neće podržati ovu tačku dnevnog reda ali će podržati odluku da Općina Vareš da finansijsku pomoć preduzeću*).

Zaključena je rasprava i predsjedavajući OV stavio je na izjašnjavanje Izvještaj o radu i poslovanju JP „Vareš-stan“ d.o.o. Vareš za 2025. godinu

Nakon izjašnjavanja vijećnika predsjedavajući OV konstatuje da je sa **2 glasa „ZA“**, **14 glasova „PROTIV“** i **2 „SUZDRŽANA glasa** (odsutan vijećnik Andrej Malbašić) **nije usvojen**

***Izvještaj o radu i poslovanju
JP „Vareš-stan“ d.o.o. Vareš za 2025. godinu.***

Predsjedavajući OV predložio je i stavio na raspravu sljedeći

Zaključak:

- 1. Odobravaju se sredstva iz Budžeta Općine Vareš za 2026. godinu, ekonomski kod 614 411 – subvencije javnim preduzećima u iznosu od 20.000,00 KM za JP „Vareš-stan“ d.o.o. Vareš.**
- 2. Sredstva iz tačke 1. se odobravaju za izmirenje obaveza prema radnicima JP „Vareš-stan“ d.o.o. Vareš iz prethodnog perioda.**
- 3. Zaključak stupa na snagu danom donošenja.**

U raspravi su učestvovali vijećnik Asmir Čizmo i šefica Odsjeka za finansije koja je dala pojašnjenje da se trenutno preduzeću mogu odobriti sredstva u iznosu od 20.000 KM jer su budžetom osigurana sredstva za javna preduzeća u navedenom iznosu.

Nije više bilo učesnika u raspravi i predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **17 glasova** (odsutni vijećnici Andrej Malbašić i Zdravko Barkić) **„ZA“ usvojen predloženi Zaključak.**

Ad. 14.

**(Izvještaj o radu Savjeta mjesnih zajednica za 2025. godinu:
Borovica, Brgule, Dabravine, Daštansko, Duboštica, Javornik,
Kadarići, Mir, Očevija, Pržići, Stupni Do, Strica-Zaruđe i Vareš.)**

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Igor Hinger postavio pitanje zašto pojedine mjesne zajednice nisu dostavile Izvještaj o radu, da li Općina Vareš ima neki mehanizam da predsjednici mjesnih zajednica dostave Izvještaj i da li to povlači neke konsekvence u budućoj saradnji sa mjesnim zajednicama koje nisu dostavile Izvještaj.

Zaključena je rasprava i predsjedavajući OV stavio je na pojedinačno izjašnjavanje Izvještaje mjesnih zajednica i nakon izjašnjavanja konstatuje da je:

- Izvještaj o radu Savjeta Mjesne zajednice Borovica usvojen sa 17 glasova „ZA“
- Izvještaj o radu Savjeta Mjesne zajednice Brgule usvojen sa 17 glasova „ZA“,
- Izvještaj o radu Savjeta Mjesne zajednice Dabravine usvojen sa 17 glasova „ZA“,
- Izvještaj o radu Savjeta Mjesne zajednice Daštansko usvojen sa 16 glasova „ZA“ i 1 „SUZDRŽANIM“ glasom,
- Izvještaj o radu Savjeta Mjesne zajednice Duboštica usvojen sa 17 glasova „ZA“,
- Izvještaj o radu Savjeta Mjesne zajednice Javornik usvojen sa 16 glasova „ZA“ i 1 „SUZDRŽANIM“ glasom,
- Izvještaj o radu Savjeta Mjesne zajednice Jadarići usvojen sa 17 glasova „ZA“,
- Izvještaj o radu Savjeta Mjesne zajednice Mir usvojen sa 17 glasova „ZA“,
- Izvještaj o radu Savjeta Mjesne zajednice Očevija usvojen sa 17 glasova „ZA“,
- Izvještaj o radu Savjeta Mjesne zajednice Stupni Do usvojen sa 17 glasova „ZA“,
- Izvještaj o radu Savjeta Mjesne zajednice Strica-Zaruđe usvojen sa 16 glasova „ZA“ i 1 „SUZDRŽANIM“ glasom i
- Izvještaj o radu Savjeta Mjesne zajednice Vareš usvojen sa 17 glasova „ZA“.

(odsutni vijećnici Zdravko Barkić i Andrej Malbašić)

Ad. 15.

(Izvještaj Komisije za procjenu prometne vrijednosti nekretnina za 2025. godinu)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Izvještaj Komisije za procjenu prometne vrijednosti nekretnina za 2025. godinu.

Nakon izjašnjavanja vijećnika predsjedavajući OV konstatuje da je **sa 14 glasova „ZA“** (odsutni vijećnici Zdravko Barkić i Andrej Malbašić) **usvojen**

Izvještaj Komisije za procjenu prometne vrijednosti nekretnina za 2025. godinu.

Ad. 16.
(Informacija o realizovanim projektima deminiranja kao i preostaloj sumnjivoj površini na području općine Vareš za 2025. godinu)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

Informaciju o realizovanim projektima deminiranja kao i preostaloj sumnjivoj površini na području općine Vareš za 2025. godinu.

Ad. 17.
(Informacija o stanju opremljenosti Profesionalne vatrogasne jedinice Općine Vareš)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

Informaciju o stanju opremljenosti Profesionalne vatrogasne jedinice Općine Vareš.

Ad. 18.
(Informacija o zimskom održavanju lokalnih i regionalnih puteva i gradskih ulica)

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Dario Dodik izjavio da je nezadovoljan zimskim održavanjem i pozvao je općinske službe da naprave reorganizaciju za sljedeću sezonu i da se grad (Vareš i Vareš Majdan) izdvoji kad je u pitanju zimsko održavanje, kako bi se JKP d.o.o. Vareš omogućilo da ima više slobodnih mašina i da bi mogli u nekom razumnom roku očistiti puteve prema selima.

Predsjedavajući OV zamolio je nadležne u Općini da uzmu u razmatranje predloženo u diskusiji vijećnika Dodik Daria i izvide mogućnost angažovanja naših privatnika za poslove zimskog održavanja kako bi zajedno sa JKP d.o.o. blagovremeno bilo izvršeno zimsko održavanje grada i mjesnih zajednica.

Zaključena je rasprava i predsjedavajući OV konstatuje da je **Vijeće primilo k znanju**

Informaciju o zimskom održavanju lokalnih i regionalnih puteva i gradskih ulica.

Ad.19.
(Tekuća pitanja)

Predsjedavajući OV upoznao je Vijeće sa tekućom poštom i to:

1. Zahtjev za obilježavanja i zabranu parkiranja dostavljen od PTP MPM d.o.o. Vareš 13.05. 2026. godine.
Pomoćnik načelnika Ermin Musa u svom obraćanju izjavio je da će nadležni u Općini Vareš izaći na teren i riješiti postavljenje znaka, skrenuo je pažnju da je navedeni problem u Zahtjevu, po njegovom ličnom mišljenju, u nadležnosti PS Vareš i da će Zahtjev biti prosljeđen PS Vareš.

Predsjedavajući OV predložio je i stavio na izjašnjavanje sljedeći

Zaključak

Zadužuju se Općinski načelnik i nadležna služba da u saradnji sa PS Vareš pristupe rješavanju problema navedenog u Zahtjevu PTD MPM d.o.o. Vareš od 12.05. 2026. godine.

Zahtjev PTD MPM d.o.o. Vareš iz tačke 1. čini sastavni dio ovog Zaključka.

Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa 17 glasova „ZA“ (odsutni vijećnici Zdravko Barkić i Andrej Malbašić) **usvojen predloženi Zaključak.**

2. Inicijativa za prenamjenu i renoviranje upravnih zgrada UPI RO „Snaga“ Vareš dostavljena od grupe starih građana 13.05. 2026. godine.

Predsjedavajući OV izvjestio je prisutne da je Kolegij OV upoznat sa Inicijativom i na osnovu stava Kolegija predložio je i stavio na izjašnjavanje sljedeći

Zaključak

Odbacuje se Inicijativa grupe starih građana zaprimljena pod brojem: 01-68/26 dana 13.05. 2026. godine, jer ne ispunjava uslove propisane članom 81. Statuta Općine Vareš (prečišćeni tekst), broj: 01-162/12 od 11.09. 2012. godine.

Inicijativa grupe starih građana iz tačke 1. čini sastavni dio ovog Zaključka.

Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa 17 glasova „ZA“ (odsutni vijećnici Zdravko Barkić i Andrej Malbašić) **usvojen predloženi Zaključak.**

3. Zahtjev za dodjelu jednokratne pomoći dostavljen od Cigura Ahmeda 07.05. 2026. godine.

Predsjedavajući OV izvjestio je prisutne da je Kolegij OV upoznat sa Zahtjevom i na osnovu stava Kolegija predložio je i stavio na izjašnjavanje sljedeći

Zaključak

Odobrava se isplata za adaptaciju stana po Zahtjevu za dodjelu jednokratne novčane pomoći, broj: 01-11-1-47 od 07.05.2026. godine, Cigura Ahmedu u iznosu od 4.000,00 KM.

Zadužuje se Općinski načelnik da sa korisnikom iz tačke 1. ovog Zaključka zaključi Ugovor o realizaciji sredstava, koji će sadržavati sve potrebne odredbe o pravima i obavezama, a minimalno mora sadržavati: iznos koji se dodjeljuje, račun za uplatu, namjenu sredstava, obvezu izvještavanja s dokazima o namjenskom utrošku sredstava te obvezu povrata sredstava u slučaju nenamjenskog utroška sredstva.

Odobrene sredstva su planirana u Budžetu Općine Vareš za 2026. godinu na poziciji Ostale isplate pojedincima iz materijalno-socijalne sigurnosti (Općina), ekonomki kod 614229.

Zahtjev za dodjelu jednokratne novčane pomoći broj: 01-11-1-47 od 07.05. 2026. godine iz tačke 1. čini sastavni dio ovog Zaključka.

Ovaj Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa 17 glasova „ZA“ (odsutni vijećnici Zdravko Barkić i Andrej Malbašić) **usvojen predloženi Zaključak.**

4. Zahtjev za regulisanje pristupa JU OŠ „Vareš“ i Ustanovi „Mala škola“ Vareš broj: 01-738/26 od 28.05. 2026. godine dostavljena od JU OŠ „Vareš“.

Nakon rasprave u kojoj su učestvovali predsjedavajući OV Igor Šimić, vijećnici Igor Hinger, Dario Dodik i pomoćnik načelnika Ermin Musa, predsjedavajući OV predložio je i stavio na izjašnjavanje sljedeći

Zaključak

Zahtjev JU OŠ „Vareš“ u Varešu broj: 01-738/26 od 28.05. 2026. godine upućuje se nadležnoj općinskoj službi i PS Vareš da u skladu sa zakonom i ovlaštenjima pristupe rješavanju problema navedenog u Zahtjevu.

Zahtjev JU OŠ „Vareš“ u Varešu iz tačke 1. čini sastavni dio ovog Zaključka.

Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa 17 glasova „ZA“ (odsutni vijećnici Zdravko Barkić i Andrej Malbašić) **usvojen predloženi Zaključak.**

5. Zahtjev za organizovanje ponovnih izbora za savjet MZ Vareš Majdan dostavljen od građana Mjesne zajednice Vareš Majdan 01.06. 2026. godine.

Zaključak

Zadužuje se nadležna općinska služba da Općinskom vijeću Vareš, za narednu sjednicu, dostavi očitovanje po Zahtjevu građana Mjesne zajednice Vareš Majdan za organizovanje ponovnih izbora za Savjet MZ Vareš Majdan, zaprimljen pod brojem: 01-81/26 dana 01.06. 2026. godine.

Zahtjev iz tačke 1. sastavni je dio ovog Zaključka.

Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa 17 glasova „ZA“ (odsutni vijećnici Zdravko Barkić i Andrej Malbašić) **usvojen predloženi Zaključak.**

Sjednica je završena u 16.45 sati.

Sastavni dio ovog Zapisnika je audio zapis 16. sjednice OV Vareš.

**SEKRETAR
OPĆINSKOG VIJEĆA**

Mersad Đido



ZAPISNIČAR

Azra Pijadžer

**PREDSEDAVAJUĆI
OPĆINSKOG VIJEĆA**

Igor Simić